



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU HRVATSKE STRANKE BOSNE I HERCEGOVINE

Broj: 03-07-6-460/18
Sarajevo, 19.07.2019. godine

SADRŽAJ

| | |
|---|---|
| MIŠLJENJE REVIZORA | 3 |
| 1. UVOD | 4 |
| 2. PREDSTAVLJANJE POLITIČKE STRANKE | 4 |
| 3. OPIS PREGLEDA I KONTROLE FINANSIJSKOG IZVJEŠTAJA | 5 |
| Predmet pregleda i kontrole | 5 |
| Cilj pregleda i kontrole | 5 |
| Obim pregleda i kontrole | 5 |
| 4. PRETHODNE KONTROLE I REVIZIJE | 5 |
| 5. NALAZI I PREPORUKE | 5 |
| 5.1. NALAZI | 5 |
| 5.2. PREPORUKE | 6 |

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske stranke Bosne i Hercegovine za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2017. godinu, utvrđeno je da je Hrvatska stranka Bosne i Hercegovine prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Hrvatske stranke Bosne i Hercegovine za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska stranka Bosne i Hercegovine se finansirala iz sljedećih izvora¹:

| R/B | Izvori finansiranja | Iznos (KM) | Struktura (%) |
|-----------|--|------------------|---------------|
| 1. | Članarina | 0,00 | 0,00 |
| 2. | Prilozi fizičkih lica (3-a) | 12.000,00 | 38,75 |
| 3. | Prilozi pravnih lica (3-b) | 0,00 | 0,00 |
| 4. | Prihodi od imovine (3-c) | 3.830,00 | 12,37 |
| 5. | Prihodi od dobiti preduzeća u vlasništvu političke stranke (3-d) | 0,00 | 0,00 |
| 6. | Prihodi od poklona (3-e) | 0,00 | 0,00 |
| 7. | Prihodi iz budžeta (3-f) | 15.053,23 | 48,61 |
| 8. | Prihodi od propagande (3-g) | 0,00 | 0,00 |
| I | Ukupni prihodi (1-8) | 30.883,23 | 99,73 |
| II | Ostali prihodi i drugo | 83,77 | 0,27 |
| | Izvori finansiranja (I+II) | 30.967,00 | 100,00 |

U godišnjem finansijskom izvještaju za 2017. godinu Hrvatska stranka Bosne i Hercegovine iskazala je rashode u iznosu od 31.316,82 KM.²

2. PREDSTAVLJANJE POLITIČKE STRANKE

Naziv političke stranke: Hrvatska stranka Bosne i Hercegovine. Skraćeni nazivi stranke su: Hrvatska stranka BiH i HS BiH.

Politička stranka HSS-NHI je rješenjem, broj: 065-0-Reg-08-001502 od 16.05.2008. godine upisana u registar kod Općinskog suda u Sarajevu, kao pravni sljednik Hrvatske seljačke stranke BiH i Nove hrvatske inicijative. Rješenjem Općinskog suda u Sarajevu, broj: 065-0-F1-14-000001 od 17.04.2014. godine, upisana je promjena sjedišta i naziva stranke u Hrvatski narodni savez BiH. Rješenjem Općinskog suda u Sarajevu broj: 065-0-F1-17-0000009 od 05.07.2017. godine upisana je promjena naziva stranke koji glasi: „Hrvatska stranka Bosne i Hercegovine“, te promjena sjedišta stranke.

Sjedište stranke je u Sarajevu, Petrakijina 2.

Lice ovlašteno za predstavljanje i zastupanje stranke u 2017. godini je Božo Skopljaković, predsjednik. Lice ovlašteno za podnošenje finansijskih izvještaja za 2017. godinu je Branimira Almaš.

¹ Podaci iz korigovanog obrasca 3 (izvori finansiranja) godišnjeg finansijskog izvještaja za 2017. godinu koji je dostavljen dana 16.05.2019. godine.

² Podaci iz korigovanog obrasca 4 (ukupni rashodi) godišnjeg finansijskog izvještaja za 2017. godinu koji je dostavljen dana 16.05.2019. godine.

Prema podacima iz godišnjeg finansijskog izvještaja za 2017. godinu, Hrvatska stranka Bosne i Hercegovine ima sljedeću organizacionu strukturu:

- Središnji ured,
- 3 županijske organizacije,
- Regionalna organizacija Doboj-Derventa i
- 18 općinskih organizacija.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske stranke Bosne i Hercegovine za 2017. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Hrvatske stranke Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je zaključno sa finansijskim izvještajima za 2007. godinu obavila pregled i reviziju pojedinačnih finansijskih izvještaja političkih stranaka Hrvatske seljačke stranke BiH i Nove Hrvatske inicijative, koje su se tokom 2008. godine ujedinile u političku stranku HSS-NHI. U periodu od 2008. do 2016. godine Služba za reviziju je obavila reviziju i pregled finansijskih izvještaja HSS-NHI, odnosno Hrvatskog narodnog saveza BiH nakon čega su izdati izvještaji o reviziji, odnosno izvještaji o pregledu sa mišljenjem revizora, nalazima revizije i preporukama.

Nakon obavljenog pregleda godišnjeg finansijskog izvještaja za 2016. godinu, izdat je izvještaj sa nalazima revizije i preporukama stranci da finansijske izvještaje koje podnosi Centralnoj izbornoj komisiji Bosne i Hercegovine dostavlja u zakonom propisanim rokovima.

Nerealizovane preporuke:

Na osnovu uočenih nedostataka u godišnjem finansijskom izvještaju za 2017. godinu, utvrđeno je da Hrvatska stranka Bosne i Hercegovine nije ispoštovala preporuke.

5. NALAZI I PREPORUKE

5.1. NALAZI

Pregledom godišnjeg finansijskog izvještaja za 2017. godinu Hrvatske stranke Bosne i Hercegovine, utvrđeno je da je stranka prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i dodatne finansijske dokumentacije, utvrđeno je da Hrvatska stranka Bosne i Hercegovine nije pravilno evidentirala prihode, rashode i obaveze, nije pravilno popunila obrasce godišnjeg finansijskog izvještaja i finansijski izvještaj nije podnijela u zakonom predviđenom roku, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- Na obrascu 3 (izvori finansiranja) finansijskog izvještaja stranka je ukupne prihode iskazala u iznosu od 30.967,00 KM. Kontrolom poslovnih knjiga-analitičkih evidencija utvrđeno je da su ukupni prihodi evidentirani u iznosu od 31.667,00 KM, odnosno stranka je u poslovnim knjigama prihode evidentirala u većem iznosu za 700,00 KM. Razliku čine prihodi od vraćene takse za izbore u iznosu od 700,00 KM.
- U obrascima 4. (ukupni rashodi) i 4.1 (režijsko-administrativni i ostali troškovi) finansijskog izvještaja stranka je ukupne rashode iskazala u manjem iznosu u odnosu na evidentirane troškove u poslovnim knjigama za 784,18 KM, čime je prekršila odredbe člana 21. i člana 22. Pravilnika. Ukupne rashode stranka je iskazala u finansijskom izvještaju na obrascu 4. (ukupni rashodi političke stranke) u iznosu od 31.316,82 KM, dok je u završnom računu- Bilansu uspjeha iste evidentirala u iznosu od 32.101,00 KM.
- Stranka je na obrascu 5 (obaveze stranke) finansijskog izvještaja iskazala obaveze u iznosu od 6.453,65 KM. Uvidom u poslovne knjige i završni račun stranke-Bilans stanja utvrđeno je da su kratkoročne obaveze evidentirane u iznosu od 12.877,00 KM, odnosno stranka je u finansijskom izvještaju iskazala obaveze manje za 6.423,35 KM. Uvidom u poslovne knjige utvrđeno je da je stranka u poslovnim knjigama evidentirala obaveze prema svojim organizacionim dijelovima u iznosu od 5.733,72 KM i obaveze po osnovu bruto plata u iznosu od 192,55 KM. Obrazac 5. finansijskog izvještaja nije popunjen u skladu sa odredbama člana 24. Pravilnika.
- Hrvatska stranka Bosne i Hercegovine je godišnji finansijski izvještaj za 2017. godinu, dostavila Centralnoj izbornoj komisiji Bosne i Hercegovine dana 26.04.2018. godine, tj. nakon zakonom propisanog roka, čime je prekršila odredbe člana 12. stav (4) Zakona o finansiranju političkih stranaka.

5.2. PREPORUKE

Preporučuje se Hrvatskoj stranci Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da vodi tačne evidencije o svojim prihodima, rashodima i obavezama,***
- ***da finansijske izvještaje dostavlja u zakonom propisanom roku i***
- ***da finansijske izvještaje koje podnosi Centralnoj izbornoj komisiji Bosne popunjava u skladu sa odredbama Pravilnika o godišnjim finansijskim izvještajima političkih stranaka.***

Komentar:

Hrvatska stranka Bosne i Hercegovine se očitovala na Preliminarni izvještaj o pregledu godišnjeg finansijskog izvještaja za 2017. godinu. U skladu sa odredbom člana 14. stav (3) Zakona o finansiranju političkih stranaka, politička stranka je izvršila korekciju obrazaca 3-a i 3-f finansijskog izvještaja i dostavila potvrde za primljene donacije. U skladu sa navedenim, Služba za reviziju je uvažila ispravku nedostataka u finansijskom izvještaju i naknadno dostavljene dokaze, pa je nalaz iz preliminarnog izvještaja o pregledu korigovala u konačnom izvještaju o pregledu.

Šef Odsjeka za revizijske poslove

Sanja Tošović

Revizor

Nevenko Andan

šef Službe za reviziju

Mr. sc. Hasida Gušić